



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

2. Quae peccata excutiant gratiam Dei & Spiritussancti.

urn:nbn:de:hbz:466:1-29452

pitur, sed interior renouatur. & ad Colossen. 3. Induite nouum hominem, qui renouatur &c. ad Corinth. 2. Cor. 3. In eadem imaginem transformamur à gloria in gloriam.

Peccata quæ excutiunt fidem, gratiam, & Spiritum sanctum, sunt quando non repugnatur concupiscentiæ, sed potius obtemperatur vitiosis affectibus cõtra conscientiam, & illa peccata fiunt mortalia, id est, propter quæ illi qui fuerant iusti, amittunt fidem & Spiritum sanctum, & propter quæ fiunt rei mortis æternæ, sicut Paulus ait 1. Corint. 6. Fornicatores, adulteri, homicidæ, &c. non possidebunt regnum DEI. Ephes. 5. Hoc autem scitote, quòd omnis immundus aut auarus, quod est idolorum seruitus, quia is non confidit DEO, sed aliud idolum, id est, pecuniam sibi statuit pro DEO qui enutriat, &c. Maledici &c. Roman. 8. Si secundum carnem uixeritis, moriemini. Galat. 5. Manifesta sunt opera carnis, quæ sunt fornicatio, immunditia, inimicitia, contentiones, sectæ, comestationes, homicidia, ebrietates, & his similia, quæ prædico uobis sicut prædixi, quoniam qui talia agunt, regnum DEI nõ possidebunt. Ista peccata sunt externæ actiones flagitiosæ, quæ è carnis concupiscentia ebulliunt, si illis non resistitur. Et tales omnes amittunt gratiam, fidem & Spiritum sanctum. Fidem, quæ est fiducia misericordiae consequendæ propter CHRISTVM. Sed hæc misericordia nõ sequitur interim, quæ quis perseuerat in peccato: repugnant enim misericordia Dei, & complacentia peccati. Ideò inquit Dauid Psalm. 50. Peccatum meum contra me est semper. Gratiam, id est, fauorem Dei excutiunt. Psalm. 33. Vultus Domini super facientes mala, ut pereat de terra memoria illorum. Postremò Spiritum sanctum, qui datur ut adiuuet nostram infirmitatem, Rom. 6. Sed cum homo non velit pugnare contra vitia, sed consentit, fit

B vt

1. Cor. 10.

vt Spiritus sanctus fugetur Eph. 4. Nolite contristare Spiritum sanctum. Hoc vtinam ponderarent carnalēs Euangelici, qui nullum fore putāt peccatum, nisi infidelitatis. Est enim infidelitas arbor, cuius fructus sunt hæc vitia: igitur ex fructibus arbor cognoscitur, Matth. 7. Vbi ergò vitia regnant, signum est quòd ibi fides non sit: nam talia flagitia non consistunt cum fide: at vbi fides non est, ibi nec gratia Dei, nec Spiritus sanctus sit oportet. Inanis ergò fiducia illa est siue fides, quæ non cessat à vitijs. Talem fidem habuerunt filij Israël in deserto peccantes, & prostrati sunt, Numer. 26. Sic Sodomitæ & Gomorrhitæ videbantur quidem credere in Deum, sed opera illorum ostendebant fidem illorum qualis fuerit, Genes. 19. Sic est fides malorum Christianorum, Omnes dicunt, credo in CHRISTVM: sed vita & opera illorum testantur, qualis fuerit fides illorum Matth. 7. Non omnis qui dicit mihi, Domine, Domine, &c. grauius enim ij habebunt in pœnis, excutientes iterum gratiam, fidem & Spiritum sanctum, quàm si nunquàm venissent ad regnum CHRISTI, sicut dicit Petrus 2. Petri secundo, & Iudas in epistola sua, & ita Matth. 11. Christus de ciuitatibus quibusdam loquitur. Ideò Apostoli summa cura docuerunt, vt acceptam gratiam non denuò excutiamus, aut in vacuum recipiamus, 2. Corinth. 6. Sed potiùs pijs operibus retineamus, in vigilijs, ieiunijs, laboribus, tribulationibus, castitate & charitate, &c. Heb. 9. Quanto magis sanguis Christi &c. ad seruiendum DEO viuenti? & 1. Pet. 2. peccatis mortui, iustitiæ viuamus, &c. Semper enim scriptura, postquàm docuit quomodò accepimus gratiam iustificationis, admonet & docet, quomodò retineamus ne iterùm excutiamus illam atque spiritum sanctum. Nam hoc est grauiissimum peccatum: ideò petit Dauid, spiritum sanctum tuum ne auferas à me.]

Psal. 50.

Pro-

lectetur in ...